

Sigle: SP

Aufbewahrungsort: Nationalbibliothek St. Petersburg

Signatur: Fond 955 op. 2 Nr. 51

[141r,01]ANcelmus was en hillich man

He hadde dar langhe na ftan

Dat he gherne wolde weten

Wat vnse here hadde befeten

Nu moghe gij horen wo he dede

He was ftede an fynem bede

Beyde dach unde nacht

An fynem knen dat he lacht

He fprack maria blogende rofe

Eyn lilie vnde en cittelofe

Godes dure balfemes fchrin

Lat my dyner hutem wesen fchin

Dat du my moteft de rede faghen

Der ick dy gherne wolde vraghen

Ich wolde nu an deffer ftunde

Horen vte dynes fulues munde

Wat vnsem heren is befchen

[141v,01]Dat du mid dynen oghen heft fen

Kunde ick dat nu hijr vorweruen

Denne fo wolde ick vroliken fteruen

Deffes plach he menich yar

Tolesten word fe eme apenbar

Gar fchone fe ene an finem bede vant

Se fprack to eme altohand

ANcelme fint ick han vornamen

Dor din beth bin ik herkamen

Van dem hemmel hir to dy

Nu saghe wat du wult my

Do ancelmus dat vornam

Dat maria to eme quam

He vorfchrickede do he fe sach

Tohand maria tho em fprak

Ancelme nu en vruchte nicht
Lad my de rede wesen bericht
[142r,01] Worvmme du my heft gheladen
Nu sprick my to dy en schal nicht schaden
Ancelmus de vel uppe fine kne
Eme was wol unde em was we
Eme was leue vndd em was lede
Vil beuede he sprack deffe rede
Maria du reyne koninginne
Ick beghere mid alle mynen finne
Dat ick gherne hadde weten
Wat din leue sone hedde beseten
Wo he si tho dode kamen
Wente ick warliken hebbe vornamen
Do eme de marter erft besocht
Dat du nacht vnde dach
Stede by eme bist ghebleuen
De ewangelisten hebben ghescreuen
Malk wol saghet dat he hat sen
[142v,01] Men se dreghen nicht aueren
Se hebben ghegan tho vnd van
Darvmme so en wet ik nenen man
De my de warheid moghe saken
Van synen groten yamer plagen
De em tho quemen alghemeyne
Mer du leue iuncfrouwe alleyne
Vmme dat so wil ik vragen dy
Vil eddele iuncfrouwe berichte my
Ancelme du bekoreft my so fere
Ick wil dy saken nyge mere
De schaltu wol vorstan
Vnde louen de sunder wan
Scholde ick di saken de groten nod
Darvan myn sone let den dod
Wo de yoden mid vngheuoghen
So yamerliken se ene sloghen

[143r,01]Myn herte mochte my darvan tobreken

Scholde ick dat alghemeyne spreken

Dat ick mid mynen oghen ansach

Mer dat ik nu nicht troren mach

Sint dat god myn eghene troft

De my van der forghe heft gheloft

Nu wil ick dy der warheid ghen

Allent dat ick hebbe ghefen

Maria erft wil ick dy vraghen

Ick bidde dat du my willeft sagen

Wo quam dat erft tho praghen

Dat din sone word ghevanghen

Ancelme nu wil ick dy vrag

Id schude an deme guden donnerdage

Dat he mid synen iungheren sad

Lefliken dat he mid ene ad

He gaff ene sin vleek vnd blod

[143v,01]Dat he vor se fodder gud

He dede ok mer dorch sine gute

He dwoch ene alle ere vote

Do he ene de vote hadde ghedwagen

He begunde yamerliken claghen

He sprak ick saghe iuw vorwar

He sit hijr al in der schar

De lefliken mid uns ed

Dat he hute my vorred

De ward darvme vorlaren

He were vele beth al ungheboren

[[M]]aria deffe fwaren word

Do de iungheren hadden ghehord

Do floghen se de houede nedder

Se enfspreken dar nicht wedder

Do se horeden deffe rede

Ene was so yamerliken lede

[144r,01]De ene sach den anderen an

Johannes de was so fere bestan

Dat he was alfe en dode ghefchapen
Vppe gades bruft word he entflapen
Se repen alle leue here
Segghe vns den rechten droghenere
Lad id wesen uns bericht
Eyn yewelk sprak leue meyster myn
Petrus de sprak leue meyster myn
Ok wet ik dat ick des nicht en bin
Nummermere wil ik dy afftan
Ik wil my laten myt dy van
Ok spreke ick were des nod
Ik wil mid dy gan an den dod
Maria wat sprak vnse here
Do se vorfeken aldus fere
Unde do he de groten word
[144v,01] Van funte petrus hadde ghehord
He sprack petre ick wil dy zaghen
Du schalt noch also fere vorfagen
Er de hane kreget schaltu ghen
Dat du my nicht mid oghen heft fen
Maria do se deffe rede dreuen
Wor was iudas do ghebleuen
Judas de lep altohand
Dar he de vorften der yoden vant
He sprak wat wil gij my gheuen
Ick hebbe nu eyn dinck ghedreuen
Ick wil iuw wifen enen man
Dar ghij hebben langhe na ftan
Mynen meyster *Jesum* crist
Do gheuen se eme mid groter lift
Druttich penninghe in sine hand
He sprak iuw schal wesen bekand
[145r,01] Dat myn meyster ihesus
Vnde fyn iunghere iacobus
De find so lick an eyner bere
Dat gy konen nummermere

Ere antlad underfcheyden
Darumme fcholde gy darna beiden
Wen ick kuffe vor fyne mund
Den fcholde ghij an derfuluen ftund
Myd harden dinghen taften an
Dat is yo de rechte man
Liftliken fchole gy ene leyden
Dat he nicht moghe van iuw fcheiden
Maria wor was din fone do bleuen
Do iudas hadde dyt ghedreuen
Myn fone ghinck an eynen garden
Dar he fyne iungheren wolde wardn
He fprak ick wil van iuw ghan
[145v,01]Vnde beden mynen vader an
Gy fcholen waken unde beden
Dat gy nicht an bekoringhe treden
Maria wat weren fyne bede
De he fynem vader dede
Ancelme em was fo rechte we
He fettecke sick nedder an de kne
He fprack vader mylde god
Ick mot vorvullen din ghebod
Ick bin bedrouet wente an den dot
Van der yamerliken not
De my hute is bereid
Vnde deme my van de ioden deit
Ick bidde doch leue vader myn
Mach dat an dinen hulden fin
Dat my de pyne vorega
Unde my de martir nicht befta
[146r,01]Donoch vader wo dat fy
Dyn wille fchal fchen by my
Ick wil der pyne nicht entvlen
Wat du bift dat fchal fchen
Maria nu wil ick fyn bericht
Word he twidet edder nicht

Eyn stemme antwerde em wedder
Van dem hemmele hijr nedder
He sprak du schalt stede wesen
Du schult der pyne wol ghenesen
Din vader wil dor dynen dot
Den mynschen losen ut der not
Maria vorumme dede he deffe bede
Was eme van angheste also lede
Dat he vruchtete also fere
Wente he was god unde here
Ancelme dat wil ick dy fagen
[146v,01]Vor dre dinck moeste vorzaghen
Sin moder was ey reyne maghet
Dar het he erft umme vorfaghet
Se het ene knenliken upghetaghen
Juncfrouwen brufte heft he ghesagen
He was ok van konynghes flechte
Darumme schaltu prouen rechte
Eddele lude warden se gheslagen
Du enk^vnnen nicht vele swares vorfagen
Van grauen luden dat was de not
Darumme vruchtete he den dot
Maria nu wil ick dy vraghen
De anderen fake schaltu my faghen
De ander fake de was dat
Dar he voruruchtet hat
De anghest dede eme fulke not
Dat uan finem liue Ulot
[147r,01]Swet dat was clar blot
Dat vor eme an der erde ftod
Maria nu berichte my
Wat de drudde fake fy
Dat wil ick dy faghen altohand
Alle dinck was eme wol bekand
He was god unde sach dat leyd
Dat tho fynem liue was bereid

He wofte ock dat ene de ioden
Wolden iamerliken doden
Hirumme was he fere beftan
Vnde bedede finen uader an
Maria dit hebbe ick wol ghehord
Berichte my de rede vord
Do he led uan finem bede
He ginck wedder an de ftede
Dar he fine iungheren wufte
[147v,01]Eyn lach up des andern bruften
Unde weren yamerliken fchapen
Van groter leyde vynt he fe flapen
He fprak ene to myt finem munde
Wonode gy eyne cleyne ftunde
Wakeden alfo ick iuw hebbe beden
Set iudas de kummet heretreden
Deme gheid nen flap an
Mid enem kuffe wil he my van
Maria leue iuncfrowe faghe
Wo brochte iudas dat towege
An der ftunde dat gheschach
Dat iudas mynen fone fach
He quam lopende myd der vard
Dar her mynes kindes war ward
Recht alfo en douendich hund
He kuffede ene vor fine mund
[148r,01]He fprak god dy meyster myn
He fprak weder dat mofte fin
Dat du my fcholdefc alfo vorraden
Do quemen de ioden herwaden
Mit kulen und mit fcharpen fperen
Myn fone fprak wen foke gi heren
fe fpreken *Jesum* den foke we
He fprak ik bin id do vellen fe
Twyge up de erden dale
He fprak to dem drudden male

Soke gy my fo taftet my an
Vnde latet myne iungheren gan
Thohand word he anghrepen
Vnde begunden ene hentoflappen
Maria nu berichte my
Weren de iungheren al darby
Do ene de ioden grepen an
[148v,01]Edder weren fe van eme gheghan
Ancelme dar en bleff nicht en man
Se weren alle uan eme gheghan
He ftund alleyne utghefcheret
Mer petrus hadde dar ein fwerd
Datfulue ruckede he hirvore
Unde houw denem ioden aff dat ore
Do myn fone dat anfach
He makede ene fund unde fprak
To petro deffer fuluen rede
Stick din fwerd an de fchede
We myd fwerden wil kiuen
De mot darvnder bliuen
Meineftu wolde ick my weren
Ick wolde my bet entweren
Behouede ick yenighe lude
Myn vader fende my wol hude
[149r,01]Wol dufent enghel fhare
De fcholden my wol weren apenbar
Maria ftundeftu bi eme hard
Do he dus ghevangen ward
Ancelme du fcholt fin bericht
Ich en was dar leider nicht
Ich was finer worden bifter
To iohannes moder myner fufter
Was ick an dat hus gheghan
Darumme wofte ick darvan
Maria wo heddeftu finer vortegen
Wo mochte fin herte dat vordregen

Dat men ene toch also enen deff

Sint de dy was so rechte leff

Ancelme hore do dit gheschach

Da was van hennen ghan de dach

Id was spade unde dufter

[149v,01]Ick was leyder harde bifter

Wor ick ene foken konde

Ock wonode ik ene ftunde hedde feten

Wen ik hedde fyne not ghegheweten¹

Maria nu du dar nicht van

Wiftest we led id dy vorftan

Hore yamerliken not

Wo fachte dat id my entbod

De iungheren quemen here lopen

So rechte yamerliken ropen

Eyn iewelk de rep ut finem munde

Owe der yamerliken ftunde

Dat wy worden iu ghebaren

Maria nu is id alle vorlaren

De ioden hebben an deffer ftunden

Dyn kint gheuangen vnde bunden

Leyder der en wet unfer nen

[150r,01]Wor se myd eme hennethen

Der warheid kone wi nicht sagen

Efte se ene hebben dot gheslagen

Se toghen ene also enen deff

Wy weten nicht wor he bleff

Maria was dy do icht lede

Do du hordeft deffe rede

Ancelme dat mochtestu prouen

War ick my mochte icht bedrouen

Myn herte wolde my thobreken

Myn mund konde nicht spreken

Ick konde nocht horen edder fen

My en wolden nicht dregen de ben

¹ eigentlich: ghegheweten

Do weren uullenbracht de word
De ik van fyneone hadde hord
Do ick in de kerken ghinck
Symeon dar myn kind entfengh
[150v,01]In fine arme unde fprak
Maria du leueft noch den dach
Dat van yamere vndd van fmerte
Eyn fwerd fnid dor din herte
Ancelme dat was do ghefchen
Do ick den kummer hadde ghefen
Do quam an derfuluen ftund
Dat fwerd an mynes hertengrund
Maria worumme leteftu dar van
En woldeft du nicht to eme ghan
Ick unde maria magdalena
Lepen an der ftund allene
Do wy hadden deffe word
Swarliken van den iungheren hord
Went dat wy an de ftede quemen
Dar wy mynen fone vornemen
Maria berichte my de rede
[151r,01]Was id an derfuluen ftede
Dar he des auendes hadde feten
Vnde myd finen iungheren gheten
Ancelme hore dat fchaltu weten
En de was annas gheheten
An fyn hus ward he ghebracht
Dar bleff he de langhe nacht
Dar vragheden fe umme fine lere
Ok effte he gades fone were
He fprak wat is dat gij vraghet
Ik hebbe apenbare ghesaghet
Nicht ftille weren myne word
Se hadde mennich man ggehord
De weten wol de maghe gij vraghen
de fcholen iuw de warheid faghen

Maria nu wil ick dy vraghen

Word he van annas wichte flaghen

[151v,01] Ancelme dat si di ghesecht
By eme ftund en fnode knecht
De mynen fone floch an dat ore
Unde sprak bistu en dore
Schalt du dem bischoppe so tospreken
Dat wil ick hude an di wreken
Myn fone sprak du ynnighe man
Worvmme wultu my aldus slan
Hebbe ick ouele ghesproken
Dat heft du wol an my ghewraken
Ofte ick den nicht arghes hebbe dan
Worvmme fleiftu my dan
Maria saghe my vordan
Wat word em mer to leyde dan
Se deden eme grod vngheuocho
Se nehmen enen witten dock
Se bunden eme de oghen tho
[152r,01] De nacht wente an den dach
De he mid oghen nu einfach
Eme word vil fwar mannich flach
Welke tid se ene hedden flaghen
So spreken se du schalt uns saghen
Ofte du en recht profete sif
Van weme du gheslagen bist
Deffer smaheid was gans vil
Se hadden myt eme mannich spil
Maria wereftu darby
Do se floghen ene dat saghe my
Hore dat wil ik dy sghen
Myn rechten ymerliken claghen
Ick was an dat hus ghekomen
Do dat de ioden hadden vornamen
Se leten my schuuen ut der dore
Dar vant ick alleyn vore

[152v,01]Marien magdalenen lopen

So rechte yamerliken ropen

Se fprak owy wer ik hir ynne

Maria reyne konynghyne

Wy vunden en gat an der want

Darto lepe my alle tohant

Vnde feghen alle de nod

De me mynem fone bod

Maria van alle fynen ghefynne

Was dar yenich man mid eme ynne

Johannes ws darynne komen

De hadde petrum medenamen

Do de vrouwe petrum fach

de de dore tho fluten plach

Se fprak du bift der iungheren en

Ik hebbe dy ock mid eme fen

Tohand van eme wort faghet

[153r,01]He fprak ik bin des nicht vormaget

He ghinck bi dat vure ftan

Thohand quam dar en ander man

De fprak to em defuluen rede

He fprak he were dar nicht mede

To dem drudden male bi eden

He fprak he hadde nu en ghefen

Maria wat dede unfe here

Do petrus uorfakede alfo fere

Do van petro dit gheschach

Myn fone ene do anfach

De hanenkras word ghehord

Do dachte petrus an de word

De he horde van *Christo* fpreken

Wo he finer fcholde vorfeken

He dachtete up de mere

He fcrigede alfo fere

[153v,01]Van riuven lep he ut der dore

Dar vant he yamerliken vore

My up der fraten lopen
Scrigende wenende vnde ropen
Do my petrus anfach
He word wenende vnde fprak
Den *kummer* den ik lide
Dat is alle der werlde to fwide
Wo ene de hebben gheflagen
Des en kan di nen *man* faghen
Do lep petrus van mik
Vnder eynen ften *und* hudde fik
Maria nũ lad my vorftan
Wat word eme mer to lede dan
Hore wo dat vort ghefchach
Des *morgens* do up ghinck de dach
Annas hadde ene auer de nacht
[154r,01]Do word he cayfas ghebracht
Do me ene auer de fraten toch
Wo fere ik to eme vloch
Do ik fin antlad anghefach
Do leuede ik nũ fo leiden dach
Sin har weren eme afftoghen
Blodich weren eme fin oghen
Sin andlat was em ghewũnd
Dat blod lep auer fine mũnd
Sin nefẽ was em toftot
Sine lezen weren eme beblod
He was likerwis ghexhan
Recht alfo en utfettich man
Vmme finen hals ik ene grep
Wo luder ftemne dat ick rep
Owe myn herteleue fone
Wor is din grote fchone
[154v,01]Dar ick my to vrouwende plach
Wen ick din antlad anghefach
Owe unde wapen
Wo iamerliken biftu ghexchape*n*

Vnde bift alfo en deff vorblint

Owe myn herteleue kint

Dat was de yamer den ik dreff

Do me ene toch alfo enen deff

Maria nũ berichte my

Do de yoden aldus van dy

Deffen groten yamer faghen

Wolden fe dat wol vordraghen

Anelme dat fchal di entfermen

Se grepen my bi mynen armen

Se toghen my van mynem fone

Se fpreken my fo vele to hone

Se fchouen my hir unde dare

[155r,01]Se repen dat al apenbare

Ick wolde noch fo vele pranghen

Ick fcholde fuluen bi eme hanghen

Dat volk quam tofamende gan

Alfo men ene fcholde han

Maria haddeftu yenighen wan

Dat he den ioden mochte entgan

Haddeftu darto yenighen troft

Dat he fik fuluen hedde loft

Anelme dat fcholtu weten

welken troft ik hadde befeten

Ik hoppede up fine wifen word

Wen de yoden hedden ghehord

Dat he mid finen wifen reden

Were quit van ene ghebleuen

Do he mangkt de lude quam

he ftund recht alfo en lam

[155v,01]Eme en ghinck nen word ut dem munde

Rechte efte he nicht fpreken konde

Maria nu berichte my

Was yenich hopen mer bi di

Anelme du fcholt fin bericht

De hopene helpede my leider nicht

Ik hoppedede dat myn leue fone
De de was so knenlik unde schone
Vnde so rechte fuuerlick
Sin antlat was eme leflick
Wen fe dat hadden anghafen
Dat eme nicht quades were schen
De fe fick scholden entbermen
Do hadden de unfalighen armen
Sin antlat so rechte fere toflagen
Dat he van yamerliken plaghen
Was vorwandelt also fere
[156r,01]Recht efte he vtfettich were
Maria wat schult geuen eme de ioden
Dar fe en wolden umme doden
Ancelme hore wat ik di saghe
Wo fe begunden ere claghe
Caifas leue here
Wy bringhen di enen droghenere
Van em suluen horde wi spreken
Wo he den tempel wolde tobreken
Wen he den nedder hedde thoflagen
So wolde he wedder bi dren dagen
Maken hele also he was
Do sprak to eme caiphas
Biftu cristus dat saghe my
Myn fone sprak saghe ik dat di
So en wultu des nicht louen
Men gi scholen noch alle prouen
[156v,01]Vnde scholen fen mit den oghen an
Dat de hemmele schal apenestan
So schole gi des mynschen fone
Bi finem vader an deme trone
Sitten fen to der vorderen hant
So schole gi wol werden bekand
Do caiphas dat horde unde sach
He red de kleder unde sprak

Wat behoue gi tughe mere
Dit is en droghenere
Wat wil gi mid eme beghan
Se repen alle me schal ene han
Do ik horde deffe rede
Mi wart so rechte lede
Dat van yamer unde smerte
En fwerd fnet dor myn herte
Do du haddeft di ghehord
[157r,01]Wat iammers deden se eme vord
Do se dit hadden ghedreuen
Vnde cyphas dat ordel hadde gheuen
Tohant togen ende ioden dan
He konde leyder nicht gan
To pilaus vor dat rihte
Do spreken de uil bosen wichte
Pilatus leue here
wi bringhen di enen droghenere
Nu hore wat he heft ghedreuen
He sprach men schal den tins nicht geuen
Dem keiser heft he ghefaget
Leue here dat si di gheklaghet
Maria nu wolde ik di vraghen
Ik bidde dat du my willeft fagen
Do he to pilato quam
Weren eme de ioden also gram
[157v,01]Edder was dar ienich man mede
De dar richtede sine rede
Ancelme dat wil ik di claghen
Do wi dar de ioden faghen
Den he mennich schone teken
Hadde dan bi eren feken
He let ere feke lamen ghan
He let ere doden upftan
He let ere blinden feen
Loue my dar was erer nen

Se repen alghemeyne
Beide grod unde kleyne
Men fchal ene an dat cruce han
He heft uns vele to leide dan
Wo langhe fchal de tufcher leuen
Dat was de troft den fe my geuen
Maria do ene pilatus fack
[158r,01] Wat is dat he to eme fprak
Ancelme dat wil ik di faghen
Pilatus begunde ene to vragen
Na finem rike dar he were
Do fprak vnfe leue here
Min rike is up der erde nicht
Wenestu were myn rike hir
Mine denftlude fcholden mir
Lofen wol van diner hand
Do fprak pilatus ik bin bekant
Ick proue dat wol in diner bere
Du bift eyn konyngk und here
Ik hore dat fprak myn fone van di
Dat ik en konyngk fy
Ik bin in de werld ghekamen
Vnde hebbe de myntheit annamen
Dat ik en tuch der warheid fi
[158v,01] Pilatus fprak berichte my
Wat is de warheit dat is myn fone
Vnde hadde fines mundes fchone
Pilatus wolde to vele vraghen
De warheid wolde he nicht fagen
Hedde myn fone des bericht
So were he ghedodet nicht
So hedden fe eme nene not to dreuen
So were de mynfcheid verloren bleuen
He wolde dor des mynfchen willen
Gerne fine rede ftilen
Maria do dit was gheschen

Saghe wat heftu mer ghesen

Pilatus sprak to den ioden
Wes wille gi deffen mynschen doden
Darumme letet ene leuen
Vnde willet eme dat leuent geuen
[159r,01]Do repen de ioden alletomale
Mit eneme modighen grale
He heft dat land dorchghetoghen
Vnde heft alle dat volk bedrogen
Van galilea went al here
Id is eyn reht droghenere
Do pilatus dat vornam
Dat he van galilea quam
Herodes he ene fände
De was en richter an dem lande
Se kiueden langhe went an de tid
Do word vorfonet ere ftrid

Maria berichte my der rede

Wat herodes by eme dede

Do herodes ene fach
Do en schude eme nu so leuen dach
He horede vele van eme faghen
[159v,01]Darumme begunde he ene to vraghen
Efte he were defulue man
De lazarus let van dode upftan
He vraghede ok efte he dat were
Darumme fin vader auer mennigen iare
De kindere heft gheslagen dot
Hore wat he eme mer bod
He sprak wultu my en teken wifen
Dar wil ick my wol anepripen
Dat ick di helpe van den ioden
Vp dat se di nicht en doden
Myn fone fwech to aller ftund
He dede nu up fine mund
Wolde herodes dat wol uordregen

Do din fone dat hadde vorfweghen
Herodes de wol ene
He schimpede ene alfo fere
[160r,01]Eyn wit klet toch he eme an
He fprak he fcholde wedder gan
To pilato erem heren
He wolde fick nicht mit eme beweren
Maria nu scholde ik gherne weten
Wat he mer hedde befeten
Do he van herodefe quam
Vnde nene schuld an eme vornam
Do pilatus ene fach
Van torne he to den ioden fprak
Kame gi echt mid duffem manne
Den ick to herodefe fande
Wille gi eme dat vorgheuen
Vnde laten ene leuen
Men plach doch enen uanghen man
Dorch den paschen laten ghan
Nu latet ene der hochtid neten
[160v,01]Vnde latet ene ghan dat wil ick iuw heten
Do repen fe du fchold en han
Vnde laten barrabas ghan
Maria nu lat my vorftan
Wat hadde barrabas ghedan
Barrabas hedde mennich iar
De lude mordet apenbar
He was mid enem morder begrepen
Dat men ene fcholde flepen
Vnde van dem liue hebben dan
Men fe leten henne ghan
Owe auer de bofen ioden
Vorumme wolden fe ene doden
Vnde den recht fchuldigen laten gan
Maria nu lad my vorftan
Hore wo id do vord gheschach

Pilatus to den ioden sprak
[161r,01] Gy heren ick en vinde nene schult
An deffen manne nu hebbet dult
Ick wil ene fere laten slan
Vnde laten ene fine fraten gan
Darto ghinghen sterke man
De ene fere scholden slan
Wan de twe vormodet weren
So quemen twe ander heren
De floghen eme so fware flaghe
Dat van yamerliker plaghe
Van finem houede went an de ben
Nicht heles konde me an em fen
Se deden eme ock mer to torne
Se makeden eme krone van dorne
Do fe ene so fere hadden flagen
Se druckeden em went an dat breggen
Pilatus brachte ene manckt de ioden
[161v,01] Nu willet ene nicht doden
Ick hebbe eme so vele to leide dan
fe repen alle men schal ene han
Dit fint fwarlike word
Maria nu berichte mi vord
Wo fe dat mid em rechte helen
Do fe ene wolden vordelen
Ancelme marke dat vil rechte
Pilatus let sine knechte
Alle de stad vmgelopen
Se scholden dat volk to hope ropen
fe repen gi lude gat hir vore
Vnd nemet iuwes rechtes ware
Se quemen alghemeyne
Beide grod vnde cleyne
Se ghinghen vor dat richte ftan
Pilatus sprak nemet deffen man
[162r,01] Vnde dodet ene iuwer ee

Alletohant repen fe
De ee forbud uns ioden
Wy moten nenen man doden
He fprak dem keifer to hone
He fecht dat he fi gades fone
Su darto leftu ene ghan
Du wult dem keifer entiegen ftan
Do pilatus hadde hord
Van den ioden deffe word
Dat he gades fone were
Tohand vruchtete he fo fere
He fprak to *em* mid groter lift
Nu faghe my drade we du bift
Min fone fwech und let ene vragen
he wolde eme des nicht faghen
He word des nicht van eme bericht
[162v,01]Pilatus fprak en fprekeftu nicht
Wente ick mach di laten doden
Vnd mach di wol lofen van den ioden
Truwen maria des was ghenoch
Dat din fone dat vordroch
Dat fik pilatus des vormalt
An den reden fo proue ik dat
Datfulue heft ene vordomet
Dat he fik der walt heft vorromet
Maria nu lat my vor fin bericht
Antwerdede eme din fone gicht
Min fone konde des nicht vortragen
Se pilate ik wil di faghen
De walt de du heft auer my
Der enheftu nicht van di
Se kumpt di van dem hemmel nedder
Pilatus fprak to den ioden wedder
[163r,01]De man het ock mid alle nene fchult
Do hadden de ioden grote vndult
Se repen alle men fchal ene han

He heft vns noch to leide dan
Do pilatus dat vornam
Dat alle dat volk tosamende quam
Vnde wolden ene doden
He duoch fik vndd fprak to den ioden
Ick wil wesen fines dodes
Vnfschuldich vnde fines blodes
Se repen fin blod fchal ane wan
Vp vns vnde vnfe kindere ghan
Pilatus dede der ioden willen
Do he fe nicht konde ftillen
He gaff dat ordel auer en
He fprak nu flepet mit em hen
Nu gi willet ene han
[163v,01] So latet barrabas ghan
Maria nu faghe mi wat fe dreuen
Do dat ordel was ghegheuen
He moſte fin cruce fuluen dreghen
Dat was fo grod vnde vorweghen
Dat he des nicht dreghen konde
Se nemen an derfuluen ftunde
Eynen man de droch dat cruce vore
De kindere worpen ene mit hore
Etlike vrouwen weneden alfo fere
Do fprak vnfe here
Owo ga gi wenende auer mi
Nu wenet der not des wenendes fy
Auer iuwe kinder des dot not
De my fo grote fmaheid doet
Tohant toghen ene de ioden
Dar fe ene wolden doden
[164r,01] To caluarie in de ftede
Dar men eme van dem liuede dede
Maria wat heft he ene ghedan
Do fe ene wolden han
Hore nuv yamerlike rede

Wo fe mit mynem fone deden
Ik fach mit mynen oghen leider
Dat fe em uttoghden fine kleider
Se dobelden we den rok behelde
Grot iamer mi wol velde
Do ik mynen fone naket fach
Ik leuede nu fo leiden dach
Min herte konde des nicht liden
Ik want em *vmme* fine fiden
Van mynem houede enen dok
Dat cruce dat he *fuluen* droch
Dat woch ene to der erden nedder
[164v,01]Se nemen mynen fone wedder
Vnde worpen ene up dat cruce dale
Der neghele hadden fe van *ftale*
De grot weren vnde vnbehende
Twe floghen fe em dor fine hende
Mit groten hamerflaghen
Ancelme hore wat ik di wil *fagen*
Do fe en bi den *armen* hadden *hangen*
De vote konden em nicht tolanghen
Vnde to dem hole nicht reken
Dar de neghele *ynne* *fteken*
Se bunden em en fel *vmme* de ben
Dar begunden fe ene then
So fere dat em de hende toreten
Du *scholt* vort ock weten
Eme knakeden alle fine *fenen*
Tofamende bet he fine thenen
[165r,01]Sin *tunghen* an *finem* munde
Do quam an derfuluen *ftunde*
Eyn *fwerd* dorch myn herte
Van derfuluen *iamerliken* *fmerte*
Maria dit *fint* *fware* rede
Saghe my wat fe em mer deden
Se richteden up dat cruce mit groter not

Wente id was alzo grod
Dat fe des kunden nicht upboren
Dar en moften vele lude tohoren
Do fe dat hadden upgherichtet
Do en kunde ick leider nicht
Mines fones vote langhen
Wente he was fo hoghe hanghen
Bi dem cruce dat ik ftot
Vt finen wunden quam dat blod
Vnde wolde up de erde gheten
[165v,01]Vnde quam nedder dat cruce lankvleten
Da dat myn oghen feghen an
Dat fin blod hir nedderquam
Tohant was ik bereit
Vnde helt darunder myn kleid
Vnde let dat lopen an minen fchod
Do worden myne kleider rot
De touoren wit hadden wefen
De my anfach deme mochte grefen
So yamerliken was ik belopen
Mid finen hillighen blodes dropen
Maria wat word dar mer beghan
Do fe dit hadden ghedan
Hore nu yamerlike rede
Wo vele men em to leide dede
Twe morder worden dar ghevanghen
Dartwifchen word he ghehanghen
[166r,01]Se fpreken to em ere fnoten rede
He en mofte nicht wefen mit vrede
De dar was to der luchteren hand
De fprak to em biftu ghesand
Hir nedder an dem ouerften trone
Biftu des leuendighen gades fone
So make di fund unde vns darmede
Do en antwerde he em nicht up de rede
De ander morder mid der vart

De to der rechten hand ghehanghen wart
He sprak wi sint morder apenbar
Wat sprekeftu dar
Up morderige sint wi grepen vnd vanghen
Unde in deffen galghen ghehanghen
Dat wil god an di wreken
Uorvmme wultu deffe rede spreken
He is vnschuldich hieto kamen
[166v,01]Dar word nen quad an em vornam
He sprak leue here
Wan du kumpft in dines vaders ere
So vorbarme di auer my
Min fone sprak ik faghe di
Du scholt hute funder pin
Mit my an dem paradife fin
Maria nu lat my vorftan
Wat word em mer to leide dan
Hore wat me mere mid en dreff
Pilatus de screff enen breff
An den breff hadde he ghescreuen
De schult de em de ioden gheuen
Dat he is en koningk der ioden
Darvmme laten se ene doden
Do de ioden dat vornemen
To pilato dat se quemen
[167r,01]Se spreken wi bidden di
Scriff nicht dat he vns koningk si
Men screff dat he hebbe spoken
He were eyn koningk dat hebbe wi wroken
Pilatus sprak dat screuen is
Dat schal schreuen bliuen des sit wis
Se neghelden bouen sine houet
Den breff up dat worde prouet
Vmme wat schult de ioden
Leten ene so iamerliken doden
Maria faghe mi wat se mer dreuen

Vnde wat fe em mer to leide deden

Hore wo fe ene repen an

So iamerliken ik di nicht faghen kan

Biftu des leuendighen gades fone

Hir nedder kamen van dem trone

So ftich hir van dem cruce nedder

[167v,01] So wille ~~di~~ wi di louen fedder

Do fe dit hadden ghedan

Min fone rep finen vader an

He bat dat ene wolde vorgheuen

Se en woften nicht wat fe dreuen

Maria nu wolde ik gherne weten

Ofte din fone dat hadde vorgheten

Dat he di nicht to en fprak

Do he di fo yamerliken fach

Ancelme dat fchaltu vorftan

Em word fo vele to leide dan

He en konde hebben nene ftunde

Dat he nu icht fpreken kunde

Mer do mi fach vor fik ftan

Dat ik was fo iamerliken dan

Vnde was bedropen mit finem blode

He fprak to mi mit fachttem mode

[168r,01] Maria leue moder myn

Du fcholt vaft an dinen louen fin

Wente du wereft eyn reyne maghet

Du fchalt nicht fin vorfaget

Do ick van dem hemmele quam

Unde mynfhaid van di ~~en~~ nam

Van dem hillighen ghefte etfanghen

Des ik nu bin in dat cruce ghehangen

Ick bin doch fchipper unde god

Ik ick bin van dinem liue ghevod

Du bift myn moder ik bin din fone

Min vader is an dem trone

Darumme fo denke an myne fmerte

Vnde hebbe eyn ftede herte
Du ſchalt nenen twivel han
Ik wil di nicht vorderuen lan
Maria ſaghe mi wo di were
[168v,01]Do he di trofede alfo fere
Do du haddeft dit ghehord
Gheueftu em wedder nene word
Ancelme wat ſcholde ik ſpreken
Min herte wolde mi tobreken
Ik ſprak myn herteleue ſone
Hebbeſ diner moder ſchone
Vnde lad my mid di fteruen
Wat mach ik mer up der erden weruen
Min leue kind denke an my
Vnde ~~hi~~ lad mi hir bliuen bi di
Worumme wultu mi lenger ſparen
Lad my mit di heime varen
Schal ik leue kind diner enberen
To weme ſchal ik mi den keren
Min leue ſone vorbarme di
Vnde lat des gheneten my
[169r,01]Du hefft myne bruften ghefoghen
Vnde ick hebbe di lefliken toghen
Du wereft myn leidvordriff
Wat ſchal ik nu vil alme wiff
Schal ik nu alleine duelen
Weme wultu my beuelen
Ancelme ik dreff ſo grote claghe
Vele mer wen ik di ſaghe
Nu ſaghe mi wat din ſone ſprak
Do he di alzo bedrouen ſach
Des ſchaltu berichten my
Weme heft he beualen dy
Ancelme des ſchaltu ſin bericht
He let my vnbeualen nicht
nu machſtu horen wo he ſprak

Do he iohannem bi my fâch
He fprak leue moder myn
[169v,01]Johannes fchal din fone fin
Ik en fchal nicht lenger bi di bliuen
De dot wil mi van hennedriuen
Du enfchalt nenen twiuel han
Ik wil di nicht vorderuen lan
Ik en late diner nicht vnderweghen
Dicke heftu mi up dinen armen dregen
Du bift myn moder ik bin din fone
Du fchalt noch an dem ouerften trone
Sitten to der vorderen hand
He fprak iohannes wes bekant
Vnde denke daran dat ik nenen man
Alfo rechte leff ghewan
Maria fchal din moder fin
Nu nym fe an de hude din
Du fchalt fe my wol bewaren
Ik mod nu van henne varen
[170r,01]Min leue iohannes dar do du bi
Rechte alfo ik des truwe di
Vnde giff er yummer guden troft
Se fchal drade fin vorloft
Hirmede he van vns fcheide
Vnde den reden giff enen ende
Maria dit hebbe ik wol vorftan
Nu faghe my wat word dar mer beghan
Hore nu yamerlike claghe
Dat was bi dem middendaghe
De funne vorlos eren fchin
Do rep de leue fone myn
Luder ftempne heli heli lamazabatani
Du dudet myn vader vnde god
Myn leue vterkoren vat
Heftu my aldus fere vorgeten
Des en konden de ioden nicht weten

[170v,01]Se ghinghen alle vor ene ftan

Se fpreken he repe elias an

Nu lat fen wat elias doghe

Efte he vns ene gicht nehmen moghe

Mi dorftet fprak myn fone do

Des worden de ioden vro

Dat word was ene wol beuallen

Etick mengheden fe mid gallen

Se reckeden em dat up to dem munde

He fprak to derfuluen ftunde

Nu is dat alle vuluenbracht

Do he den dranck hadde befacht

Do neghede he fin houet dale

He fprak leue vader ik beuale

Minen gheift an de hant din

Darmede vór he van hin

Maria weftu dar gicht aff

[171r,01]Do din fone den gheift upgaff

Nu berichte mi de rede

Efte he ienich teken dede

Ancelme dat fchaltu merken

Dar hanghede en laken in der kerken

Dat tored vnde vil hir nedder

De doden lude quemen wedder

De gheftoruen weren auer langhen iare

Se ghinghen in der ftad apenbare

De erde beuede vnde de fteyne

Toreten alghemeyne

Maria nu lat my vorftan

Wat word dar mer ghedan

Hore nu yamerlike word

Wo de ioden deden vord

To pilato dat fe treden

Vil fere dat fe beden

[171v,01]Dat he ene de doden lude gaue

Dat fe fe hudden in de graue

Dat in eren pafche daghen
Nenen yamer anfaghen
Pilatus fprak to eren reden
He gunde des wol dat fe fo deden
Do quemen de ioden herethen
Vnde tobreken den morderen ere ben
Do fe to mynem fone quemen
Vnde ene dot vornemen
Se breken em nicht fine ben
Mer der ridder quam dar en
De hete longinus vnde was blint
De Stack myn herteleue kint
Mit enem fpere dorch fin herte
Ik fprak van iamerliker fmerte
Owe yamer vnde leid
[172r,01]Owe bermherticheid
Worvmme driue gi deffe not
Vnde was he auerlangk dot
Wat is dat gi nu an eme wreket
Dat gi ene dorch fin herte fteket
Wille gi den ~~mer~~ to leide don mer
So neget her iuwe fper
Vnde dodet de moder mit dem kinde
So hebbe gi dodet al fin ghefinde
Ancelme dit fchriff an dinen breff
Dit was de yamer den ick dreff
Maria dat hebbe ik wol ghehord
Wultu my berichten vord
Wo he fi van dem cruce ghenomen
Vnde to der erden fi ghekomen
Ancelme dat fchaltu weten
Eyn de was yoseph gheheten
[172v,01]De was en godevruchtich man
He was to pilato ghegan
He fprak pilatus leue here
Ick bidde di fo rechte fere

Dat wi *Jesum* gr^auen moten
Sin s^{ch}one moder wil vorweten
Dat iamer *v*nd dat herteleid
Dat is fo grod dat fe begheit
Se drift fo kleghelike not
He en werde grauen fe s^criet fik dot
Pilatus de vorwunderde fik sere
Ofte he alrede s^toruen were
He s^prak he s^{ch}al orleff hauen
Dat he ene moten grauen
Do em dat orleff was ghegheuen
Saghe my wo fe ere dinck ancleuen
Ancelme dat s^{ch}al di entfarmen
[173r,01]Josep s^tech to finen armen
Enen hamer hadde he *in* finer hant
Dar he de neghele mede utwant
Se weren tomale grod
He toch fe ut mid groter not
Do ick dat s^{ch} mid mynen ogen
Dat de neghele weren uttoghen
Vnde wolde hir neddergliden
Ik grep ene *v*mme fine fiden
Ik vor em vor fine mund
Mer wen to dufent s^tund
Do fine vote weren los
Wo drade dat ick de erden kos
Vnde lede ene an mynen s^{ch}ot
Sin liff was em van blode rod
Ick dreff yamerlike nod
Wan ruwen mochte ik s^teruen dot
[173v,01]Ick s^prak herteleue sone
Wor is nu din grote s^{ch}one
Dar ick mi ane to vrowende plach
Owe den mortliken dach
Dat ick dit iu s^{ch}olde leuen
Nu mot ik my trostes begheuen

Maria nu wolde ik fin bericht

Mogeden fik de iungheren gicht

Ancelme fo rechte fere

Se hedden noch lat edder bere

Se weren angeftes alfo vul

Van vruchten weren fe al dul

Johannes de quam herelopen

So rechte lude ropen

He vil em up fine bruft

He fprak herteleue here

Owe ~~ya~~ nu unde ium~~m~~ermere

[174r,01]Wo yamerliken biftu ghefchapen

Taent dar ik word entflapen

Vp diner bruft gaf din herte foten roke

Nu giff id fmerte vnde note

Petrus dreff grote not

He rep o here were ik dot

Leue here vorgiff id my

Dat ik vorfaket hebbe dy

Maria magdalena quam

Vmme finen hals fe ene nam

Se rep owe leue here

Dit uorwinne ik num~~m~~ermere

Wat fchal ick nu lengher beleuen

We fchal my nu de funde vorgheuen

Alfo du hefft ghedan

De iungheren quemen all ghan

Se dreuen yamer vnde fmerte

[174v,01]Owe repen fe leue here herte

Wes leftu vns auer bliuen

Wi moten groten kummer liden

De ioden laten vns doch nicht leuen

Ancelme den yamer den fe dreuen

Den vindet me nerghen befchreuen

Maria duit fware word

De ik van di hebbe gehord

De en horde ik alle myne daghe
Berichte my des ik di vraghe
Hestu yeniche not mer befeten
Do me ene begroff dat wil ik weten

Ancelme dat schaltu vorftan
De groteftu not ghink noch an
Do se ene grauen wolden
Ik sprak ik wil ene bi my beholden
Ik wolde dar bi eme bliuen
[175r,01]Se scholden my dar nicht *van driuen*

Er he my worde ghenomen
He were my so nicht anghekomen
Dar iohannes dat vornam
Vil drade he to my lopende quam
He sprak maria ik bidde di
Dat du willeft steden my
Dat men graue mynen heren
Wi moten finer leider enberen
Du weft id bet wen ick
Dat he fuluen wolde sicken
In deffen daghen laten doden
Yamerliken van den ioden
Ok weftu wol dat he wil upftan
Vnde wil vns nicht vorderuen lan
Darvome lad vns ene an der erden
Grauen dat he vns nicht nomen werde

[175v,01]Maria nu wil ick sin bericht

Twideftu iohannes icht
Ick antwerde uppe sine rede
Ick sprak wes deiftu my also leide
Johannes lat de rede bliuen
Vnde lat my mynen kummer driuen
Du mochteft my wol vrede lan
Mi is ennoch tho leide ghedan
De iungheren quemen alle here
Vnde beden my so rechte fere

Dat ick toleften orleff gaff
Dat fe ene leden an dat graff
Do he an dem graue lach
Ick vor to eme vnde fprak
Gy heren latet iuw vorbarmen
Vnde grauet my vil armen
By myn kint des dot my not
[176r,01]Ick fterue doch van ruwen doet
Dit was do nicht lanck
fe toghen my ane mynen danck
Vt dem graue ane were
Do wenede ik alfo rechte fere
Se wurpen den ften up fin liff
Do fprak ick vil arme wiff
Latet my ene noch ens fen
Er dat de grote fware ften
Werde up myn kind ghelecht
Anderwerue lep ick echt
Vp dat graff do en fach ik nicht
Wente id was leider al bericht
Maria nu berichte my
Wo langhe bleueftu dar bi
Do din fone ble begrauen ward
Vorgheteftu ene mit der vard
[176v,01]Ancelme hore wo ick dede
Ick ghinck ligghen up de ftede
dar myn fone vnder lach
Vil yamerliken dat ick fprak
Gy heren ik bidde iuw alghemeyne
Dat gi my hir laten alleyne
Vp mynes kindes graue bliuen
Vnde latet my mynen kummer driuen
Dar en moghe gi nicht biftan
Darvme bidde ick dat gi ghan
Ik wil wenen vnde fcrigen
Den en wil ick nicht vortighen

Ik en fi ftoruen dot
Do toghen fe my mit groter n[ot]
Yamerliken an de ftat
Got wet wol wat ik befāt
Myne kleder weren van blode rot
[177r,01]Van deme dat van dem cruce vlot
Do my dat volk anghesach
Dat meifte del der frouwen fprak
O milde god van hemmelrike
Nu word ni groter vnghelike
Vorvaren an alle deffen landen
So bi deffen ynnighen manne
An deffer vrouwen is gheschen
Nu nu werlde de kummer befeen
Ancelme hore dit fchaltu weten
Dit hefft myn fone vnde ik befeten
Dit fchaltu vil degher fchriuen
Id fchal nicht alleyne bi di bliuen
Du fchalt dit allen luden faghen
Alle de di willet vraghen
De moghen an deffen reden
Prouen wat myn fone heft gheleden
[177v,01]Du fchalt ock des namen neten
Ancelmus fchal de paffio heten
A.M.E.N *et cetera*